

# 普善真言

民國十七年閏二月朔日辰刻開沙。

杖履飛蒞社前。沙盤木筆代鸞牋。開壇垂教皆爲善。普化愚蒙渡海緣。

吾本坊土地趙元鼎。浙人也。幼年讀書未成。棄儒經商。雖不能媲美陶朱。然則一毫不苟。三尺無欺。凡於地方義舉。靡不踴躍爭先。生三子。均承斯業。吾年逾七旬而歿。冥王憐吾一生正直。不加拘束。復蒙東嶽帝君。派吾爲本坊土祇之職。蒞任三年。凡事不辭勞苦。今本坊設壇宣化。誠屬美事。試問諸生心志堅否。嗣後凡有善舉。諸生各宜努力進行。每逢朔望兩期。清潔來壇。靜聽聖佛仙真。臨鸞垂訓。毋得喧嘩怠惰。少刻有大聖雲光經過。諸生肅靜。

吾本天聾本不聾。世人私語若雷轟。凡間不識吾功令。都掌飛灰一炬紅。

天聾星到。地啞星到。諸子匍匐接駕。

世道陵夷日漸卑。人心不古至於斯。堂前父母輕如屐。膝下妻兒愛若飴。

朋友締交貧富見。弟兄反義弱強知。五常敗壞三綱紊。古往今來放過誰。

九天開化文昌梓潼帝君降。哈哈。吾觀諸子設立儒壇。實屬美事。可知辦壇之規矩乎。凡來壇皈依弟子。先須守十戒。然後各盡義舉善舉之事。心堅意誠。始終不怠。方爲儒門佳弟子也。吾今將壇規十戒。示爾諸生遵守。

一戒邪行。二戒意惡。三戒口過。四戒曠功。五戒廢字。六教人倫。七明心地。八立人品。九慎交遊。十廣教化。

嗣後每逢朔望之期。吾邀約諸仙佛。常臨此壇垂訓。吾不久留。改日再來吾退。

初二日戌刻。與壇設教本非難。惟嘆人心世道艱。但願衆生能悔過。彼蒼立刻轉天顏。

吾隨壇土祇。王家駒安徽合肥人也。生前官遊江蘇。一生無大過。歿後爲散遊神。二年前蒙江蘇都城隍。保薦爲隨壇土祇之職。各處設壇垂訓。吾不能辭其責。必須隨壇恭侍

聖佛仙真鸞駕。今聞此處開壇。闡化。特來一閱。但願諸生誠心向善。有始有終。方爲儒壇佳弟子也。即刻有 大仙登鸞。吾迎駕去。

陽春烟景好。良夜縱奇觀。柳暗風光媚。花明月影寒。

鸞驂憑遠眺。蛙鼓助餘歡。杯酒饒詩興。徘徊步善壇。

吾雲遊散仙到。適從海外遊來。道經滬上。遠聞寶誥聲傳。故而臨壇一視。空中彩雲片片。遙見 桓侯張大帝。遠遠而來。定必來壇察視。吾不多言。雲遊去也。

曾記當年輔漢劉。忠肝義胆貫春秋。英雄事業傳千古。長板而今水倒流。

又曰 碧天寥闊月徘徊。習習清風掃善台。春樹夜留神馬宿。社門早對野雲開。

古茅揮罷香浮座。新韻吟成酒滿杯。獨自披襟當檻立。無端何事請仙來。

俺燕人張翼德到。腹腹。爾等求神請仙。有何事故。俺見爾等。一不具文。二不申表。無事亂戲。本應記爾等之大過。姑念初次辦壇。不按壇規。嗣後謹遵神訓。謹守壇規。

爲是。俺觀諸子內有誠敬者幾人耳。有不誠敬者亦幾人耳。今爾等各有默禱所求。俺分判示知。

訓趙俊清 俊傑因時自建勛。清新庚信氣凌雲。回頭遙望蓬萊境。弱水三千燕尾分。  
訓陳厚鵬 厚德滋培福自來。鵬飛端不染塵埃。公平二字遺謀在。蘭桂騰芳稱汝懷。  
爾所默禱。盡在此中。如能向善。定獲美滿晚景。爾自思之。

訓曹秉文 秉公正直善斯文。快出迷津彼岸登。道窮休作乘桴客。參透乾元一望平。  
訓王徐氏 良緣千古喜相逢。端拜鸞壇一瓣通。天上人間尋舊迹。煙雲渺渺鎖長空。

爾之事以和爲貴。爾之所藏已早飛。大婦不仁將爾累。不如早向善門皈。 暖暖。酒來酒來。俺今多擾了。回奏 中皇。將此壇開辦各節。轉救知 考校宮註冊。俟後皈依弟子。照錄善簿。功過並記。且俟二期天榜開放時。照 玉樞宮仙例。按名登榜。是時頒發。誠僑壇之美譽也。願爾諸生各自勉之。俺日望之。俺今不得久留。日後有緣。再晤。俺去矣。

閏月望日 沿江駘蕩愛春華。撲面香風百草花。洞內無塵侵佛寺。人間有路達仙家。  
雞鳴犬吠三山近。樹靜林幽一徑斜。且覓瑤壇諸道侶。銜杯松下醉流霞。

吾白雲老仙是也。吾偶遊蘇浙。但見山水清奇。花鳥宜人。怡然自樂。今見諸生當此世變之時。烽煙疊起。遁迹此間。亦不異桃源仙境也。且開辦壇社。結香火因緣。日與仙佛晤言一室。其樂何如。但願堅誠從事。以底成功。他日丹詔頒來。控鶴飛昇。再與徧遊名山。

勝島可也。願諸生勉之。

訓王解生 達源探本用功深。皓月當頭見佛心。二六時中陽火盛。脫胎神化返東林。

陳劉氏叩問母親失蹤事

玉蓮崑岡問有無。何須僧道費工夫。桃花開放歸期日。鄉老隨從自模糊。

前生冤孽。今生磨折。現隱於鄉。身保不滅。桃李花開。不覺自得。

家宅欠安。許爾自謝。爾之所求。吾已明示。勿得猜疑。不日應驗。

按陳劉氏叩母失蹤在家請僧超度乩諭云 現隱於鄉并未死 桃花開放即便回矣果驗

訓董厚齋 聰明反自誤。宦海若浮雲。動靜緣無定。相安寄此身。

爾之所求。趁此早修。前因後果。一概難留。

念三日午刻 霞飛經過駐雲軒。春色爭來掛杖前。花氣亂薰黃鳥岸。水光晴展白鷗天。

斜陽映閣雲遮社。微綠含風樹滿沿。試上小樓窺下界。清明節後有新煙。

吾乃清虛宮聖真人到。哈哈。陽春煙景。萬卉爭妍。况復清明節後。縱目平原。又煥然一新矣。不禁吟興勃發。登壇寫出。以紀清遊云爾。又見諸生扶鸞宣化。立意甚佳。值茲未劫。非有善念充足之人。萬難逃免。但世風日下。人心愈險。兇惡蔓延。使人共受其蹂躪。以致天下之人。皆謂非惡不足以自存。相率造孽。至死不悟。噫。人心至此。不堪收拾矣。所賴鸞壇廣建。昌明神道。藉以挽回於萬一。夫人心有神。存則行事皆循天良。而不敢爲非。是鸞壇誠爲救時之妙劑也。諸生當崇此義而廣爲宣化。則劫難冰消。人定勝天之